



26. januar 2009

Inatsisartut suleriaasianni § 36, immikkoortoq 1 naapertorlugu matumuuna imaattumik Naalackersuisunut apeqquteqarpuga:

### **Apeqqutit:**

- 1. Nunatsinni meeqqanik inuusuttuaqqanillu kinguaassiutitigut atornerluisarneq qaangiiviginiarlugu, Naalackersuisut suliniutit suut maannamut aallarnisarsimavaat?**
- 2. Kinguaassiutitigut atornerluisartut pineqaatissinneqartarnerisa, ullumikkornit pineqaatissinneqartarnerinit sivisunerusumik pineqaatissiisalersinnaanermut tunngatillugu, Naalackersuisutigut suliniutinik aalartitsisoqarsimava?**
- 3. Meeqqanik inuusuttuaqqanillu atornerluisartut katsorsarneqarsinnaanissaannut inatsisitigut tunngavissaqalersinnaanisaq aqutissiuunniarlugu, qanoq Naalackersuisut iliuseqarniarlutik pilersaaruteqarpat?**
- 4. Kalaallit Nunaani Eqqartuussiveqarneq Pillugu Ataatsimiisitaliarsuup nalunaarusiamik saqqummeereernerata kingorna Naalackersuisut, pineqaatissiisarnerup allangortinneqarsinnaaneranut tunngatillugu tunngavissinneqarsimappat?**

(Inatsisartunut ilaasortaq Olga P. Berthelsen, Inuit Ataqatigiit)

### **Tungavilersuut:**

Apeqqutit qulaani apeqqutigisakkatut ittut Naalackersuisunut siornatigulli apeqqutigereer-nikuusimavakka. (takuum Peqqinnissamut, Avatangiisinullu Naalackersuisoq – ulloq 18. maj 2001, j.nr.: 01.27). Allakkani taakkunani oqaatigineqarpoq Naalackersuisut taama-nikkut piareersimasimangitsut, qallunaat nunaannut saaffiginnissuteqarnissamut. Ukiut maanna arlalippassuit ingerlareerput, maannalu malunnarsigaluttuinnaqqilerpoq meeqqanik inuusuttuaqqanillu atornerluisarneq annertusiartuinnaqqilersoq. Tamanna tunngavigalugu Inuit Ataqatigiinniit isumaqarpugut, inuit taamatut pinnittartut qanoq iluuseqarfigineqartariaqartut.

Ulluinnarni inuit ikiuiniarlutik suliaqartut, tassaapput atornerlunneqarsimasut aammalumi atornerluisartut inuunerinik ilisimanninnerpaat. Sullissisut sullissinerminni imaanna-nngitsunik misigisaqartarput, suliniutigisamilli iluaqutaassusaannik annertunerusumik takusaqassanatik. Tamanna tunngaveqarpoq atornerluisartut suliniarfigineqarneq ajormata. Taamaattumik nunatsinni meeqqat inuusuttuaqqallu atornerlunneqartarnerat pinaveersiamatinniarutsigu, pineqaatissiinermut atatillugu katsorsaasinnaaneq, nunatsinni atuutsilersinneqartariaqarpoq.